

23 di Julhu di 2021

Prezada komunidad di Skolas Publikas di Boston:

N ta spera ma nhos sta ten un veron feliz i saudavel. N sta skrebi pa furnesi nhos alguns atualizason sobre prugresu ki nu ten fetu na alguns inisiativas di distrito i pa furnesi informason adisional enkuantu ki nu ta kontinua ta faze planus pa un komensu di ano letivo 2021-22 ben susesidu.

Nhos lenbra ki, primeru dia di aula pa alunus di series 1-12 ta ser kinta-fera 9 di setenbru. I primeru dia di aulas pa alunus na pre-eskola i jardin é sigunda-fera, 13 di setenbru. Kalendarario kompleto pa ano letivo 2021-22 sta dispunivel na [bostonpublicschools.org/calendar](https://www.bostonpublicschools.org/calendar).

### **Protocolos di saúde i siguransa pa otonu**

BPS ta kontinua ta sigui siensia i orientason di officials di saúde publika. Sima mensionadu antes, pa ano letivo ki ta komesa na setenbru, BPS sta furnesi aprendizagen prizensial pa tudu alunus.

Di akordu ku "[Orientason di CDC sobre prevenson di COVID-19 na skolas K-12](#)" ki publikadu es mes, "alunus ta benefisia di aprendizagen prizensial, i volta pa skola pa resebi instruson prizensial na otonu di 2021 é un prioridadi. Vasinias é atualmenti prinsipal stratéjia di prevenson di saúde publika pa kaba ku pandemia di COVID-19."

**BPS ta spera i iziji ki tudu alunus i funsionários uza un maskara enkuantu es sta dentu di predios eskolares i durante ses viajen na autocarro amarelo di skola oras ki es ta volta pa skola na setenbru.** Nu sabe ki alunus ku menus di 11 ano di idadi ka pode resebi vasina inda i ki ti gosi somenti 18% di alunus di idadi di 12 a 15 anos i 52% di alunus di 16 a 24 nos di idadi resebi vasina. Vasinias é midjor forma pa pruteji nos kabesa kontra COVID-19, i maskaras é tanbé un ferramenta inportanti di prevenson ki nu debi uza.

### **BPS ka teni planus di iziji distansiamentu fiziku oras ki nu volta pa skola es otonu.**

[Orientason di CDC](#) ta deklarar ki distansiamentu fiziku é un stratejia di saúde i siguransa, ma ki é inpusivel pa kompletamenti reabri skolas enkuantu ki nu sta manti distansiamentu fiziku, alunus debi inda aprendi prizensialmenti i distrito eskolares debi uza otu stratejia di prevenson, sima uzu di maskaras dentu di lokals, laba mon ku frequência, i bon ventilason di dentu.

Nu sta ta monitora atualizasons di Sentru di Kontrol di Duensas (CDC, pa ses siglas na inglês) i di officials di saúde publika, i nu sta spera orientason adisional di Departamento di Edukason Elimentar i Sikundario di Massachusetts (DESE) sobre spektativas pa protocolos di saúde i siguransa. Nos planus ta ser finalizadu logu ki nu resebi orientason di DESE sobre reabertura di skolas na otonu i dipos ki nu konsulta ku nos kolegas di Komisson di Saúde Publika di Boston.

### **Finansiamentu ESSER**

BPS resentimentu lansa [primeru raskunhu di planu](#) pa distribui \$400 milyon di dolar en Fundos di Imerjensia pa Skolas di ensino Fundamental i Sikundário (ESSER) ki distrito debi resebi di

governo federal na próximos tres anos. Planu foi traduzidu pa 9 linguas i es sta dispunivel ti sexta-fera 30 di julhu pa publiku komenta. Revisa planu i konpleta [formulário online](#) na [bostonpublicschools.org/FederalReliefFunds21](https://bostonpublicschools.org/FederalReliefFunds21) pa bu pode manda bu komentario/opinion.

Nu ta konvida tudu menbrus di komunidadadi pa djunta ku nos na un [sesson di konversas ku komunidadadi](#). Nos proximo runion virtual ta ser [kinta-fera 29 di julhu](#), di 18h00 a 19h30 di tarde. Informason pa runion sta dispunivel na [bostonpublicschools.org/FederalReliefFunds21](https://bostonpublicschools.org/FederalReliefFunds21).

Dipos ki kumentario publiku dja termina na dia 30 di julhu, N ta revisa sugeston/opinion ki nu resebi na pasadu 3 mes i N ta furnesi un resumo di investmentus prinsipals pa komitê di skolas durante proximo runion na dia 4 di agostu. Nu sabe ma nu ka ta podi finansia tudu pididus, más nu sta konpremitidu di kontinua ta avalia nos progresu i faze alterasons nesisários na proximos 3 anos.

### **Pulitika di Admisson na Skolas ku Izamis di Admisson**

Semana pasadu Komitê di Skolas di Boston aprova unanimamenti un [novu pulitika di admisson](#) pa kes 3 skolas ku izamis di admisson di distrito: Akademia Boston Latin, Skola Boston Latin, i skola di Matemátika i Siênsias di John D. O'Bryant. N sta mutu grato pa trabadju dedikadu di kada menbru di Força-Tarefa, ki ta inkluiu pais, líderes eskolares, alunus i líderes komunitários. Força-Tarefa kunpri ku ses enkargu, es formula un pulitika ki, na tudu nos skolas ku izamis di admisson, aumenta oportunitadadi equitativas, manti rigor akadémiku i resulta na un populason estudiantil ki ta refleto diversidadi rasial, socioekunômika i geográfika di tudu alunus di BPS. Es novu pulitika ta komensa ta inpakta admisson pa ano letivo 2022-23. Nhos ta atxa informason sobre kes tres skolas ku izamis di admisson, inkluiu fodja di informason sobre novu pulitika dispunivel na 10 linguas, li [bostonpublicschools.org/exam](https://bostonpublicschools.org/exam). Nu ta kontinua ta furnesi nhos informason sobre novu pulitika pa familias i nu ta koloka atualizasons di skolas ku izamis di Admisson na nos pajina di internet.

Aprovason di novu kriterio di admisson é un pasu inportanti na nos buska pa pulitikas i pratikas equitativas na distrito interu. Enkuanto ki nu ta trabadja pa implimenta es novu pulitika, nu ta diriji tanbé nos fokus pa trabadju inportanti di redizendus di liseus pa asigura ki tudu alunus di BPS ten asesu a un edukason di alta kualidadi.

Obrigado pa nhos kontinuo apoio i kolaborason. N ta spera odja nos alunus, funsionários i familias más frequentimenti na novu ano letivo.

Tudo di midjor pa nhos,



Dr. Brenda Cassellius  
Superintendente